

Ufficio Stampa della Provincia autonoma di Trento  
Piazza Dante 15, 38122 Trento  
Tel. 0461 494614 - Fax 0461 494615  
uff.stampa@provincia.tn.it

COMUNICATO n. 1607 del 11/06/2025

De sai' gaben ungefèr tausntzboahundert de trentinische studentn va de earste finz as de zboate schual va zboate grad

## De ist guat garift de edizion 2024-25 van "Euregio trèfft de schualn"

[Mòcheno] Interaktiv vourstelln, diskussion, tschbinn ont learspiln as de temen va de zòmmòrbet aus de grenz, gschicht, ausònderkait va de sproch ont òndra sòchen as enteressiarn va glaim de istituzion ont de lòntschòft: der projekt 'Euregio trèfft de schualn' hòt guat sperrt s schualjor 2024-2025, pet simaontzboa'sk trentinische schualn bou as hom toalganommen ungefèr tausntzboahundert studentn.

De òrbetn - de mearer as zboa sprochen - as hom vertiaft de gschicht va de lòntschòft ont de ausònderkaitn van Istituzion van Euregio Tirol-Südtirol-Trentin sai' kemmen gamòcht en mearer verschidena schualn, va de earste schual as de zboate schual va zboate grad, van technische as de licei ont professionaln, va de ladinische schual as de Montessori, as vinnen se en de telder va de inser Provinz ont en de hauptòtt. Vil trèffn sai' kemmen gamòcht en Haus Moggioli, sitz van Europeische grupp va zòmmòrbet zbischn de lander (Gect) Euregio ont an etlena sai' kemmen pfrok va òndra innrichtn, abia de Universitet va de dritte elt ont zòmm pet mearer istituzionen, zbischn de beil de Fondazione Museo Storico van Trentin.

Zbischn de temen vourtrong: sòchen as kearn de eartkund, de gschicht, de Autonomi, de sprochen, abia as funziart ont abia as s ist organisiart der Euregio, de projektn as kearn en de jungen, en de schual ont as enteressiarn en de lait.

Ver de innrichtn der "Euregio" ist kemmen en de leistn jarder a learòrbet 'standard' en de òllgamoal'earbe ont en de gamoa'schòft, asou as vil schualn en de zait hom bider pfrok za lonen inn der projekt ont zbelf schualn hom se derzua galeick en doi leiste jor.

De schualn barn meing vourstelln de vrong ver za schraim se inn en u'vòng van schualjor ont de trèffn, as tauern ungefèr zboa schualstunnen, barn kemmen gamòcht der pfinsta.

Ver òndra nochrictn: <https://www.provincia.tn.it/News/Approfondimenti/L-Euregio-incontra-le-scuole>

Ibersetz gamòcht van Sprochtirl va de Tolgamoal'schòft Hoa Valzegu' ont Bersntol

(cdt)